

**Naib Presiden Perkasa tawar jadi MT Umno
Malaysian Insider
Sept 20 , 2013**

Naib Presiden Pertubuhan Pribumi Perkasa Malaysia (Perkasa), Dr Zubir Harun menawarkan dirinya untuk menjadi Ahli Majlis Tertinggi Umno bagi pemilihannya tidak lama lagi.

Beliau yang juga AJK Umno bahagian Bentong memaklumkan perkara ini dalam satu kenyataan kepada The Malaysian Insider.

"Dengan dorongan rakan dan berasakan sudah sampai masanya saya menyumbang tenaga dan fikiran bagi perkuatkan lagi parti Umno demi perjuangan kepentingan Islam, Melayu dan negara," katanya dalam kenyataan itu.

Sebagai naib presiden Perkasa, beliau berkata, adalah lebih tepat dan kena pada masa beliau perlu berada dalam barisan tertinggi parti yang menjadi tunjang kepada kerajaan yang sedang memerintah.

Katanya, sepanjang bersama Perkasa, beliau melakukan pelbagai usaha dan cara terutamanya soal ekonomi bangsa.

"Maka eloklah saya berada pula pada satu platform yang boleh disampaikan secara langsung," katanya. – 20 September, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/naib-presiden-perkasa-tawar-jadi-mt-umno>